

JONES, WILLIAM (1718 - 1779?), cynghorwr ac arloeswr Methodistiaidd

Enw: William Jones
Dyddiad geni: 1718
Dyddiad marw: 1779?
Plentyn: Hugh Jones
Rhiant: Hugh Jones
Rhyw: Gwryw
Galwedigaeth: cynghorwr ac arloeswr Methodistiaidd
Maes gweithgaredd: Crefydd
Awduron: William Griffith, Robert Thomas Jenkins

Bedyddiwyd 28 Gorffennaf 1718, mab Hugh Jones, Trefollwyn, trengholydd, ac uch-gwnstabl. Argyhoeddwyd ef dan [Howel Harris](#).(? Ll n, 1741 - os felly y cynharaf o Fôn). Teifl ei lythrau (1747-9) olau gwerthfawr ar hynt Methodistiaeth, yn arbennig ym Môn; dangosant gyfathrach agos rhyngddo â'r arweinwyr, a 'chylfaill' y geilw'r brodyr Wesley ef. Syrthiodd o dan gerydd [Harris](#), a gwg [Thomas William](#) o Eglwysilan, oherwydd ei antinomiaeth, a lled-dybir iddo droi at y Morafiaid - deupeth a gyfrifai am ddigllonedd [Robert Jones](#), Rhoslan - os ef oedd y g r nas enwir ganddo. Diflanasai o draddodiadau Methodistiaid Môn onibai am haneswyr diweddar. Ni wyddom ai cofnod ei gladdu ef ydyw: '1773, Wm. Jones, July 25th.'

Ychwaneger bellach fod awdur yr ysgrif (y Parch. William Griffith) wedi ei argyhoeddi (gweler ei lyfr *Methodistiaeth Fore Môn* (Caernarfon, 1955), t. 94, nad William Jones o Drefollwyn oedd y g r a fu farw yn 1773 fel y dywedir yn yr ysgrif. Gweler Henllys MS. 138 yng Ngholeg y Gogledd, copi o ewyllys (a arwyddwyd ar 12 Chwefror 1779) Jane Sacheverell, chwaer William Jones a John Jones (siryf Môn yn 1750) o Drefollwyn. Ynndi, gadewir arian i'w brawd 'William Jones, merchant, of Liverpool', i'w fab Hugh, 'a mariner', ac i eraill o'i deulu, gan gynnwys 'his present wife' - bu William Jones felly'n briod fwy nag unwaith. Felly, yr oedd William Jones (y mae, gyda llaw, dystiolaeth arall yn ei gysylltu ef â Lerpwl) eto'n fyw yn Chwefror 1779. Gellir nodi hefyd ei fod yn gefnder i'r Cymmrodor [William Lloyd](#) (1717 - 1777 o Cowden - eu mamau'n chwiorydd (gweler [J.E. Griffith](#), *Pedigrees*, 93).

Awduron

Y Parchedig William Griffith, (1916 - 1972)

Yr Athro Emeritus Robert Thomas Jenkins, (1881 - 1969)

Ffynonellau

Cofrestr eglwys Llangefni

Cylchgrawn Cymdeithas Hanes y Methodistiaid Calфинаidd, iv, 43-4; vi, 16; xi, 69; xii, 28; xxii, 160; xxvi; 466-7; xxviii, 54-5

R. T. Jenkins, *The Moravians in North Wales*, 41-2

Robert Jones (Rhoslan), *Drych yr Amseroedd (Llanrwst 1841)*, 150-1

G. T. Roberts, *Cylchgrawn Cymdeithas Hanes y Methodistiaid Calфинаidd*, xxii, 160

R. Thomas, yn *Y Traethodydd*, 1932, 224

J. E. Griffith, *Pedigrees of Anglesey and Carnarvonshire Families* (1914), 365

R. T. Jenkins, [John Wesley in North Wales](#), *Bathafarn: cylchgrawn hanes yr Eglwys Fethodistiaidd yng Nghymru*, 1947, 48, 49, 51-

3

Dolenni Ychwanegol

Wikidata: [Q20734658](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Nghymru a thu hwnt.

Ewch i'n [tudalen codi arian](#) am ragor o wybodaeth.

